



Նարեկ Սարգսյան

Իմաստուն ծերունին ու բարկացած թագավորը

Լինում է, չի լինում, մի փառասեր թագավոր է լինում: Նա ոչինչ չէր խնայում այն մարդկանց, ովքեր մեծարում և գովերգում էին իրեն:

Երբ մոտենում է թագավորի ծննդյան տարեդարձը, նա որոշում է այդ օրն իրեն լավագույն բարենադթանքն ասողին նվիրել մի փոքրիկ պարկ ոսկի: Նախապես մունետիկների միջոցով իր մտադրության մասին տարածում է ողջ թագավորությունով մեկ:

Ծննդյան օրը՝ դեռ առավոտը չբացված, հսկայական հերթեր էին գոյացել թագավորի պալատի մոտ: Բոլորն իրենց բարենադթանքն էին ուղղում թագավորին. մեկը նրա մասին բանաստեղծություն էր ասմունքում, մյուսը՝ մաղթում առողջություն, երջանկություն և թագավորության ընդարձակում, իսկ մեկ ուրիշն էլ՝ հարստության ավելացում:

Թագավորին ոչ ոք իր բարենադթանքով չգարնացրեց, քանի որ դրանք բոլորը միանման էին ու անհետաքրքիր:

Երբ արդեն ուշ էր, և թագավորն այդպես էլ չէր կողմնորոշվում, թե ու՛մ բարենադթանքն էր ամենալավը, իր մոտ է գալիս մի ծերունի և դիմում արքային.

-Թագավորն ապրած կենա, այսօր ինչպես Ձեր, այնպես էլ իմ ծննդյան օրն է, և ես եկել եմ Ձեզ մոտ, որ Դուք ինձ Ձեր բարենադթանքն ասեք և դրա դիմաց կստանաք այս

փոքր պարկ ոսկին: Բայց եթե Ձեր խոսքերն ինձ դուր չգան, ապա Ձեզ չեմ տա ոսկով լի ձեռքիս պարկը:

-Ա'յ խելառ ծերուկ, ամբողջ թագավորությունն այսօր իմ ծնունդն է շնորհավորում, իր բարենաղթանքի ջերմ խոսքն ասում, իսկ դու եկել ես, այսպիսի բան ես ասում, հետն էլ պայման դնում, թե եթե չհավանես իմ շնորհավորանքը, այդ դեպքում ինձ քո ոսկին չես տա: Ինձ քո խղճուկ ոսկին պետք չէ, ես դրանից շատ ունեմ,- գայրացած բղավեց թագավորը:

-Թագավո՛րն ապրած կենա, իրականում Ձեր շնորհավորանքն ու բարենաղթանքն ինձ հարկավոր չէ:

-Բա այդ դեպքում ինչու՞ ես ինձ մոտ եկել,- զարմացած հարցրեց թագավորը: Ծերունին անվրդով շարունակեց.

-Ի՞նչ եք կարծում, ըստ Ձեզ՝ ո՞րը կլինի լավագույն բարենաղթանքը, որի համար Դուք Ձեր խոստացած փոքրիկ պարկ ոսկին կտաք նրա հեղինակին,-հարցրեց ծերունին:

-Դե չգիտեմ, այնպիսի բարենաղթանք եմ ուզում լսել, որ ինձ շատ դուր գա,-ոգևորված պատասխանեց թագավորը:

-Լավ, ենթադրենք՝ Դուք լսեցիք Ձեզ ուղղված աշխարհի ամենալավ բարենաղթանքը՝համեմված գեղեցիկ, պատկերով բառերով ու նախադասություններով: Բայց չե՞ք կարծում, որ իրականում այդ <<բարի խոսքերը>> Ձեր ծնունդը շնորհավորելու նպատակով չեն ասվում, այլ բարենաղթանքներ անողները դրանք ասում են խոստացած ոսկուն տիրանալու նպատակով: Ամենալավ բարենաղթանքը սրտից ու հոգուց բխող ջերմ խոսքն է, իսկ կարո՞ղ եք ասել, թե այս ողջ օրվա ընթացքում եղել է գոնե մեկը, ով Ձեր ծնունդը սրտանց շնորհավորել է՝ առանց ոսկուն տիրանալու հետին նպատակի:

Ծերունու իմաստությունը շփոթեցրեց թագավորին, վերջինս սկսեց ամոթից շիկնել և կմկմալով՝ ասաց.

-Դե չէ, բոլորն էլ ուզում են ոսկուն տիրանալ: Դրա համար են այդպես իրար խառնվել, թե չէ դրանք առանց շահի ոչինչ չեն անի:

-Իսկ ու՞մ են պետք այն շնորհավորանքները և կեղծ բարենադթանքները, եթե դրանք ասվում են ոչ թե սրտանց, այլ շահադիտական նպատակով:

Թագավորին այլ բան չէր մնում, քան ամբողջովին ընդունել ծերունու խոսքերի ճշմարիտ լինելը:

Այնուհետև ծերունին դուրս եկավ թագավորի պալատից և դիմեց դրսում հերթ կանգնածներին.

-Այսօր իմ ծննդյան օրն էլ է, չե՞ք ուզում ինձ շնորհավորել:

-Բայց դու ո՞վ ես, որ մենք քո ծնունդը շնորհավորենք,-պատասխանեցին այս ու այն կողմից:

-Ես լավագույն բարենադթանքն ասողին կտամ իմ ձեռքի փոքր պարկ ոսկին,-ասաց ծերունին՝ ցույց տալով և թափահարելով ոսկով լի պարկը:

Սա տեսնելով՝մարդիկ սկսեցին իրար հետ կռիվ անել, թե ով առաջինը շնորհավորական խոսք կասի ծերունուն, սակայն վերջինս ծիծաղելով ասաց.

-Վե՛րջ տվեք, ողորմելիներ՛ր, ինձ ձեր քստմնելի շնորհավորանքները հարկավոր չեն: Այդ ասելուն պես ծերունին, ոսկով լի պարկը նետելով ամբոխի վրա, հեռացավ: